

229049

永樂大典

百八三

卷二〇三〇 疾字

卷二〇三一 疾字

卷二〇三二 席字等

卷二〇三四 夕字



疾篆書
疾並古語
疾李斯碑
疾寅蓋
疾並虎敦

牧疾疾并秦
 攸攸秦泰山
 攸攸攸籀
 攸攸攸
 攸攸攸并集韻並見杜

帝猜鬼已亂。知帝祚之不永。帝後竟得心疾。號荒酒色。性忽狂暴數年而崩。唐語林劉闢初有心疾。人自外至。輒夢而吞之。同府崔佑時碩大。闢據地而吞。背裂血流。獨文若至不吞。故後自惑。起居舍人韋緩以心疾。校書郎李愔亦以心疾廢。愔常疑遇毒。鏤井而飲。散騎常侍李益亦心疾病。疑。王某云。性歲任同州。見御史出案。理止州驛。經宿不發。忽追雜案。又取印。屑鏤驛甚急。一州大擾。有老吏竊笑。乃因庖人以通憲。胥許百緡為贈。翌日未明。御史以啓驛門。盡運棧牘。乘馬而去。冊府元龜謝述有心虛疾。性理時或乖謬。除吳郡太守。以疾不之官。荃翁貴耳淳熙間。省元徐履。因功名之念太重。遂有心恙之疾。殿試用卷子寫一枝竹題曰。畫竹一竿。送上試官。朝廷亦優容之。以省元身後一官與其子。子亦恙。官亦絕。宣政雜錄宣和乙巳五月間。禁中有事務。內人忽發心疾。自永巷直犯木圍。力士輩莫能挽。於是怖之。曰。官家來。曰不畏。又舉后妃。皆不省。或曰太子來。始伏地連聲曰。畏畏人莫知。所以是冬徽宗遜位方驗。程氏外書有患心疾。見物皆獅子。伊川教之以見。即直前捕執之。無物也。久之。疑疾遂愈。

腹疾

左傳宣公十二年冬。楚子伐蕭。還無社與司馬卯言。號申叔展。叔展曰。有麥麴乎。曰無。有山鞠窮乎。曰無。河魚腹疾奈何。注。叔

展又問既無藥。將有河魚腹病奈何。曰。目於背井而極之。若為茅經
哭井則已。明日蕭漢中叔規其井。則茅經存焉。號而出之。宋梅聖俞死陵
集間。曼叔腹疾走筆為戲。方聞病下利。曾不藥物止。區區涸匿間。其往
寧得已。每為青蠅喧。似與紫姑喜。傾腸倒腹後。乃是胃中美。劉後村集鵲
鵲天。腹疾因睡和米。華真詞前度看花白髮郎。平生痼疾是清狂。幸然無
事。汚青史。省得教人奏赤章。遊俠窟。少年場。輸他群謝與諸王。居人不
識庚桑楚。弟子
誰從魏伯陽。
目疾
資治通鑑。昭宗天復三年八月。楊行密夫人朱
延壽之姊也。行密狎侮延壽。延壽怒。與田頌通
謀。九月。朱延壽謀頗泄。行密詐為目疾。對延壽使者多錯亂。所見或觸柱
仆地。謂夫人曰。吾不幸失明。諸子皆幼。軍府事當悉以授三舅。夫人屢以
書報延壽。行密又自遣召之。陰令徐溫為之備。延壽至廣陵。行密迎及寢
門。執而殺之。部兵驚擾徐溫。諭之皆聽命。遂斬延壽兄弟。黜朱夫人。馬令
南唐書。歸明傳。李元清開寶中。為永新制置使。及金陵平。例歸京師。元清
偽為目疾。召驗之。揮刀而目不瞬。遂放歸濠上。卒。太平廣記。壽州守張士
平。中年夫婦俱替。元和七年八月十七日。有書生請謁。曰。吾攻醫。使君有
疾。故來此耳。士平欣然。見接書生。謂使君之疾不假藥餌。書生即為擇勝

地疏一井。用水洗目。目明如初。宋陳簡齋集目疾。天公真我眼常白。故
著昏花阿堵中。晉書顧愷之。每畫人咸不點目睛。人問之曰。傳神寫真。正
在阿堵中。昌黎寧直立之詩。玄花着兩眼。不惟參軍談瞎馬。晉桓玄與顧
愷之同在仲堪坐。共作危語。一參軍云。盲人騎瞎馬。夜半臨深池。仲堪眇
一目。驚曰。此大逼人。因罷。但坊中散送飛鴻。晉徐中散叔夜。贈秀才入軍
詩。目送歸鴻。手揮五絃。著籬令惡。誰能繼。據言。方于作今。期李主簿。目翳
曰。只見門外著籬。未見眼中安障。損讀書方奇定有功。晉書范甯惠目。就張
湛求方。湛曰。古方。損讀書一。減思慮。二。專內視。三。簡外觀。四。旦晚起。五。夜
早眠。六。凡六物。焚以神火。下以氣從。蘊於胃中。七日。然後納諸方寸。修之
一時。近能數目睫。遠脉尺華之餘。長服不已。洞見牆壁之外。非但明目。亦
可延年。九。惱從來是佛種。維摩經。九。惱處為種。十。不善為種。六十二見一
切煩惱。皆是佛種。會如那律證圓通。楞嚴經。阿那律失双目。世尊示以樂
見。照明金剛三昧。不因眼觀。見十方。逆證圓通。劉後村集目疾一首。疾
起自肝家。眇昏認物差。昔如虹貫月。今隔霧看花。暝鵲驚飛匝。涼蟾瞥露
些。廟堂見章奏。應笑字欹斜。王黃州小畜集眼疾。古人功業甘無分。往
聖詩書合有緣。何事病來花滿眼。祇將閒策枕頭眠。元胡祇通紫山集目

疾有感 未能聞道頭成雪才解觀書眼已花留取草堂閑日月好香名
酒送生涯 卓行奇勳愧已無高情遠韻亦早汙狗偷鼠竊塵埃裏暮四

朝三了

鼻疾

冊府元龜謝安字安石本能為洛下書生詠有鼻疾故
壯圖 其音濁名流愛其詠而不能及哉手掩鼻而歎之位至

太保 **贖疾**

冊府元龜漢張沆為翰林學士沆雖贖疾出入金門五六年
保 隱帝末陽史遇害翌日沆方知之聽猶未審忽問同僚曰竊

知盜殺史公其盜獲否是
時恟懼之次聞者笑之

膝疾

續後漢書鍾繇傳繇有膝疾拜起不
便時華歆亦以高年疾病朝見皆使

載輿車虎賁昇上殿就坐是
後三公有疾遂以為故事

足疾

史記刺客傳四月丙子公子光伏
甲士於庭室中而具酒請王僚王

僚使兵陳自宮至光之家門戶階陛左右皆王僚之親戚也夾立侍皆持
長鉞酒既酣公子光詳為足疾入庭室中使專諸置匕首魚炙之腹中而
進之既至王前專諸解魚因以匕首刺王僚王僚立死左右亦殺專諸索
隱曰詳音陽為如字左傳曰光偽足疾此云詳即偽也或讀為音偽非也

豈詳偽重言邪詳專續後漢書楊彪見漢祚將終自以累世為公卿耻為
魏臣遂稱足疾不復行冊府元龜習鑿齒為桓溫荊州別駕以脚疾逐廢

於里巷及襄陽陷於符堅堅素聞其名與釋道安俱興而致焉既見與語
大悅之賜遺甚厚又以其寒疾與諸鎮書曰昔晉氏平吳利在二陸今破
漢南獲士裁一人有半爾唐白居易長慶集足疾足疾無加亦不瘳綿
春歷夏復經秋開顏且酌樽中酒代步多乘池上舟幸有眼前衣食在煎
無身後子孫憂應須學取陶彭澤但委心形任去留蘇洵冷然齋集足疾
數日簡顧弟病脚冬逾甚羈懷老自驚生前終有役隱去更須名褐短
愁紉婦文疎愧屬兄何時了婚嫁一意學躬耕陸游渭南集足疾足疾
惟妨拜登臨故自如深知造物意遣遂此心初東塢閑看竹西溪獨釣魚
暮歸猶未倦把卷遠前除元藍靜之藍山集雲松邀住翁源足疾不果行
臨水登山興已非客來扶杖強相依前川不得隨花柳遠壑空思老巖
薇覽鏡傍徨餘髮短開書涵詠壯心微仙人不授輕身術安得凌空跨鶴
飛又簡汝實祐吉席上諸公兩處芳筵共一朝病軀不動愧相招已
知博士推名飲又說監河喜醉謔冠弁巍我容自肅就
籌交錯興初饒蒼南巷北休辭遠絳蠟銅盤徹夜燒
炎帝修火之利范金排貨以濟國用因時變燥以抑時疾路史發揮論燧
人改火篇古者周官四時變火以救時疾明火不變則時疾必生聖人作

時疾

羅泌路史後紀

法豈徒然哉。詳大石林燕語前輩多知人或云亦各有術。但不言爾。夏文莊公知蘄州。龐莊敏公爲司法。嘗得時疾。在告方數日。忽吏報莊敏死矣。文莊大駭曰。此人當爲宰相。安得便死。吏言其家已發喪。文莊曰不然。即自往見。取燭視其面曰。未合死。召醫語之曰。此陽證傷寒。汝等不善治。誤爾。亟取承氣湯灌之。有頃莊敏果蘇。自此遂無恙。世多傳以爲異。

風疾

續後漢書孫權。大元元年冬十一月。權祭南郊。遂得風疾。

驛徵大將軍諸葛恪。拜爲太子太傅。總統國事。詔省錄役。減征賦。除民所患苦。冊府元龜。盧照鄰爲新邵尉。因染風疾。去官。處太白山中。以服餌爲事。後疾轉篤。徙居陽翟之具茨山。著釋疾文五悲等詞。頗有騷人之風。甚爲文士所重。照鄰既沉痾。聲譽歷郡。守侍中丹陽尹。素有風眩疾。發動甚數。而神明不損。書林事類。魏祖少遊蕩。叔父數言於其父嵩。祖患之。陽敗面口偏。叔父見祖中惡風。又告嵩。嵩驚呼曰。叔父言汝中風。已差乎。對曰。初不中風。但失受於叔父。故見罔自后。叔父所告嵩。終不復信也。太平廣記。廬陵有人應舉。行遇夜。詣一村舍求宿。有老翁出見客。曰。吾舍窄。人多容一榻可矣。因止其家。甚久之。告錢翁曰。吾家貧。所食唯野菜耳。客食

之甚美與常菜殊及就寢唯聞紅紅之聲既曙而寤身卧田中旁有大蜂窠客嘗患風因爾遂愈蓋食蜂之餘耳類要高李輔為侍中以風疾廢於家太宗屢降中使其進食則其增損尋卒溫華瑣碎錄若要安三里莫要乾患風疾人宜灸三里者五臟六腑之溝渠也常欲宣通即無風疾唐白居易長慶集各問上人問風疾一床方丈向陽開勞

水疾

東觀漢記東平

王蒼到國後病水氣喘逆上遣太醫丞相視之小黃門侍疾置驛馬傳起居以千里為程晏子春秋景公水病夢與二日開不勝召占夢問之晏子謂占夢曰公所病者陰也日陽也一陰不勝兩陽公病將已占夢以其言對三日公病大愈賜占夢占夢曰晏子教臣也公召晏子賜之晏子曰占夢以臣言對故有益也若使臣言則不信也幽明雜警宣城村民有久嬰水疾治不效者里人以小念挾怨一日懷刃謀刺之中五十餘創但不及要害眾救之獲免被創卧而氣息僅存流血指地諸創中血盡則黃水出涓涓久不絕主簿嚴孟堅嘗檢視之既而懷刃者其伏謀情坐棄市明年孟堅以事幹復至是村見道傍人有致恭熟視之即向之被刺水疾人也問之因被刺出病水盡疾遂愈人皆異之大凡水疾治不效必死病也人

宜哀恤之。乃從而加之。乃是不仁甚矣。嗚呼。悲者以一念輕取死所。而必死者乃復生。禍福之倚伏。固非常情所可度。抑又天之惡不仁而至如是乎。

消疾

野客叢書周官疾醫四時皆有癘疾。春時有痄首疾。鄭注。痄。酸削也。司馬相如消渴則所謂消中之疾也。痄首消中二疾。

既異而其字亦自不同。後人往往不辨。指為一疾。鮮有別之者。後漢李通素有消疾。此正如相如渴疾也。太子賢注。消中之疾是矣。乃復引周官為證。是以消中痄首為一義。以至玉篇唐韻之類。亦皆以痄為渴病。惟禮部韻疇字下注。酸痄頭痛。是為得之。張孟押韻注。酸痄頭痛。又渴病。雖明知二疾為不同。是又

吐疾

冊府元龜王戎先有吐疾。居喪增甚。帝遣醫療之。并賜藥物。又斷賓客。位至司徒。

噎疾

太平廣記永徽中絳州有一僧。病噎。都不下食。如此數年。臨命終。告其弟子云。吾氣絕之後。便可開胃。喉視有何物。欲知其根。

本言終而卒。弟子依其言。開視。胃中得一物。形似魚。而有兩頭。遍體悉是肉。鱗弟子致鉢中。跳躍不止。戲以諸味致鉢中。雖不見食。須臾悲化成水。又以諸毒藥內之。皆隨消化。時夏中。藍熟寺眾於水次作淀。有一僧往。因以少淀致鉢中。此虫懼遠。鉢馳走。須臾化成水。世傳以淀水療噎疾。

疫疾

陸游南唐書李德誠列傳德誠廣陵人少事宣州節度使趙鏐為給使吳攻宣州鏐出降德誠與韓球俱從之不去城中僥推

立裨將周進思以拒吳鏐使德誠入城說進思降將行因暴得疫疾委頓不免往乃改命球球既至進思斬之擲其首城外德誠是日即愈人皆異之元黃叔美詩至正四年秋疫疾大作書所見時廣昌縣官俱死吾州之人疫大作八月九月死如麻野田多稼晝不獲山縣無官晨廢衙林光點點青烟斷日氣昏昏黃霧遮老翁

癘疾

邵氏聞見錄胡先生瑗判國子監其教育諸生皆有法安

苦貧病更苦病後健來貧莫嗟

厚卿樞密在其席下厚卿苦癘疾凡序立廡下升堂聽講說人眾輒疾作

先生使人掖之以歸調護甚至厚卿登科疾良愈或云與王公康公少苦

淋疾及為樞密使疾自平相同蓋人之疾病隨氣血之通塞既快疾亦自

愈也先生每語諸生食飽未可据案或久坐皆於氣血有傷當習射投壺

游息焉是亦食不語寢不言之遺意也程伊川曰九

從安定先生學者其醇厚和易之氣望之可知也

瘵疾

夷堅志武功大夫閻

門宣贊舍人黃某為江東兵馬鈐轄紹興二十二年正月秩滿將歸弋陽

過池州值雪小留郡守假以教授解舍遇舊同官趙士過趙訝其顏色青

黑而欬不已。語言動作。非復如疇昔時。從容問所苦。黃愀然久之曰。吾家不幸。祖傳療疾。綠是須命者。世世有之。自半年来。此證已萌。第吾次子沅亦然。殆將死矣。遂悲傷出涕。趙曰。每聞此疾可畏。間亦有愈者。而不能絕其本根。吾能以太上法錄治之。但慮人不知道。因循畏軀。公果生信心。試為公驗。於是焚香書符以授黃。及沅使吞之。吞未久。遍手指內外皆生黃毛。長寸餘。趙曰。疾深矣。稍復遷延。當生黑毛。則不能抹療。今猶可為也。於是擇日別書符牒城隍。申東嶽。奏上帝。訖。令黃君汛掃寓舍之西偏小室。紙糊其中。寘石灰于壁下。設大油鼎一枚。父子著白衣。閉門對床坐。吞符訖。命數童男秉燭。注視有頃。兩人身中飛出黑花。蟬蛾四五。壁間別有蟲作聲而出。或如蜣螂。如蜘蛛。大小凡三十六。悉投沸鼎中。臭不可聞。啾啾猶未止。繼一虫細如絲髮。蜿蜒而行。入于童袖間。急捕得。亦投鼎中。便覺四體泰然。了無患苦。黃氏舉室歡異。知其靈驗。默禱於天。願為先世因此疾致死者。作九幽大醮拔度之。未醮數日。黃之妻夢先亡十餘人。內有衣阜小團花衫者。持素黃錄白簡來拜謝曰。汝救我。則我救汝。妻覺以告夫。黃泣曰。衣小花衫者。吾父也。吾父死於兵戈中。衣服不備。但得一衫以紼夢中所見者。真是矣。遂以二月朔設醮。於天慶觀。是夕。陰雲四垂。雨意欲

作中夜隱隱聞雷聲。所供聖位茶皆白如乳。道衆恐雨作不能焚詞。既而至五鼓。醮事畢。雨乃大至。黃氏歷世惡疾。自此而絕。士過宇進臣時。右朝請大夫魏孝良通判池州爲作記。崔祖武河東威勝軍人政和癸巳與家君同處大學通類齋。自言少好色。無日不狎遊。年二十六歲成瘵疾。將死。有牛道人來曰。苟能絕慾。吾救汝。父母曰。是兒將死。儻能生之。有何不可。遂授以藥。及教以練氣術。令與妻異處。其病良已。三年方同房。而欲心不復萌。在學時。年三十五六。肌幹豐碩。儀狀秀偉。亦與人和。率之游俠邪。不固拒。但不作色。想身飲食不肯醉飽。曰。大醉大飽。最爲傷氣。須六十日。修持始復初。後歸鄉里。不知其所終。墨莊漫錄。蔡仍子因之妻。九院王家女也。忽患瘵疾。沉綿數年。既死已就小斂。時上皇宮中聞之。曰。惜其不早。以陷水丹賜之。今雖已死。試令救之。因命中使馳賜一粒。時氣息已絕。乃強灌之。須臾遂活。數日後向安。但齒皆焦落。後十五年方死。

瘵

疾

莊李裕雞肋編南方多梟而比西北絕小。龍泉人亦捕食。云可以治瘵疾。五月五日以梟羹賜群臣。可驗其無毒。然醫方不云有治病之

功

惡疾

列女傳蔡夫之妻者。宋人之女也。既嫁於蔡夫。有惡疾。其母將改嫁之女曰。夫之不幸。乃妻之不幸。將何去之。終不聽。其

母而作米萑之詩冊府元龜漢杜欽目偏盲茂陵杜鄴與欽同姓字俱以材能稱京師故衣冠謂欽為盲杜子夏以相別欽惡以疾見詆乃為小冠高廣才二寸由是京師更謂欽為小冠杜子夏以鄴為大冠杜子夏欽優游不仕以壽終後魏書李庶生而天閤崔謏嘲之曰敎弟種鬚以雖通刺作孔挿以馬尾庶曰先以此方迴施貴族藝眉有效然

羸疾

五代歐史後唐

後樹鬚世傳崔門有惡疾以呼施為墓田故庶言及之

劉延朗傳初廢帝與高祖俱事明宗而心不相悅帝既入立高祖不得已來朝而心頗自疑欲求歸鎮且難言之乃陽為羸疾炙灼滿身冀帝憐而遣之延朗等多言敬瑄可留京師韓昭胤專美曰敬瑄與趙延壽皆尚唐公主不可獨留乃復授高祖河東而遣之宋景文公集羸疾益間呈羸長孺學士病緒蹇騷駭彌旬曠坐曹綠憂初得損非巧亦成勞計月銷雙臂驚年變二毛隙塵閑日滿銘藥時時熱顧此逢熙盛紛吾異俊髦溫趨華雉省法紙翠螭毫數米仍能飽檐榆不顧高聊尋秘方枕更繕養生几夕穗含風月秋禽企露阜此來差勝晤有意伴持螯陸游渭南集羸疾羸疾止還作已過秋暮時但當召百藥那更竭三醫

強飯幸如昨清遊元有期新霜宜野店行矣不須疑

瘡疾

宋眉山唐子西集瘡

疾寄示聖俞

體中初微溫。未勢如湯鑊。忽然毛髮起。冷撼如振鐸。良久

交戰罷。項背如釋縛。尚覺頭涔涔。眉額如鏡鑿。空日一寒暑。有準如契約。

伏枕兩晦朔。枵然如空橐。平生十圍腹。病起如飢鶴。衰髮本無幾。脫去如

秋篠。到今僅能步出沒。如尺蠖。舊聞五嶺法。有此萬戶瘡。而我自僑寓。了

不蒙閤略。況子又持養。何至亦例看此身。自

空虛。客疾安所託。請作如是觀。無病亦無藥。

疔疾

宋曾文清公集疔疾七月四日愈作

誰言示病元非病。一日之間行四時。不用文殊來問疾。箇中實怕有人知。

又老身危似草頭露。疾勢未如江上潮。寒熱自無安著處。不然何以脫

今朝。薛季宣浪語集疔疾中元式示詩走筆次韻。鄙人病在牀。政苦風

寒侵。之子步池上。攀條哦柳陰。擲我珠玉辭。瘴鬼毛髮森。豁爾脫塵痼。脩

然洗煩襟。何當漾輕舸。相與從茂林。清興諒不淺。此情殊

未禁。強歌下俚曲。賡和白雪音。請問覺軒詩。何如梁父吟。

集老疾戲自贈。年過七十日夜衰。羸然骨立不支持。一身百病作無時。

飯且不足那論醫。鏡中之人定是誰。面骨突兀鬢成絲。買棺作塚計已遲。

一旦寧免累諸兒。門前湖山可遨嬉。心雖欲往

力不隨。左車牙脫吁可悲。問汝何不食肉糜。

瘡疾

冊府元龜長孫子考末年疾發